

廣德州志卷之七

附建平縣

城池

兵禦附

王公設險以守其國金湯之重所以戒不虞固根本也山城制不過百雉高墉屹屹式廓代增登陴四矚能忘慮始之勤乎抑又有言在德匪險志城池

宋淳祐六年郡守趙希仁設六門門有樓內有子城元末樓圯至元丙申六月明太祖令元帥趙繼祖邵榮領軍始建城池六門東曰迎春西曰崇德南

廣德州志

卷之七

城池

一

曰明威北曰閱武東南隅剏小門曰石溪東北隅剏小門曰常州卽今水關城垣周八里高一丈五尺廣八尺濠濶一丈六尺深八尺出范昌齡志辛丑年元帥趙去城尋圯弘治二年知州辛禮建城樓四所正德四年知州劉節繚上垣覆之瓦高七尺厚三尺嘉靖三十二年知州莊士元始甃以磚設堞三十五年兵備道朱舜民建石門凡四上有樓沿城有窩舖萬曆二年知州吳同春增砌裏高卑始一萬曆二十三年知州段猷顯重修按

城自明以前未經鼎建而城池之設昉於至元之丙申干戈搶攘之中初無經久不拔之制雖設六門特名焉耳迨洪武辛丑守者去而尋圯可驗也後因循二百八十餘年屢圯屢修亦名修而實圯弊由官其土者以補苴罅漏之謀爲塗飾耳目之具終明之世金湯幾成虛語

國朝底定桐有專閫之寄而址堞頽落司牧登陴太息方目擊星留未敢侈言桑土也康熙二年州守楊苞毅然以締造爲已任大約議補葺十之三議更

建者十之七乃曰 憲助而外仇以已俸計畝分塚按里任工歷六旬日而工竣舊更迎春門曰瞻紫崇德門曰望美明威門曰兆符閱武門曰拱極城成復更爲熙春麗正安貞拱辰焉又於東南隅開古石溪門曰鍾秀按形家言門爲巽方引秀水入城也碑記載藝文中

建平縣

城周圍計弓七百八十丈趾廣二丈五尺上廣一丈城樓東西南北凡四南門右一水關無樓

建平地勢卑下南瀆于溪受桐玉萬山之水地多泥淤沙磧故高墉之設獨後明崇禎八年縣令侯  
优奉 憲檄議築照田派費按丁出力南趾瀆河  
無堅土城每一丈派田一千二百二十一畝八分  
一厘東西北三畝地平土厚每一丈派田四百零  
七畝二分八厘時令處置有方民忘其勞顧分畧

計築乃一時經始之策迨其後田之盈縮不一而  
修城之費仍照舊冊索派民甚病之康熙四年大  
水泛溢城西南隅傾圮數丈邑令李景燦不忍以  
追呼困民遂捐俸增修後里耆有恩訂良規之控  
知州楊苑申請 部院以按田公派爲修城久遠  
之額憲准勒石永遵守焉

建平四城門昔各有樓今獨闕南者盖形家言巒  
宮秀氣萃於離位不宜障其文峰故去之也東則  
吳越通衢守望尤亟其樓久頽知縣高自遠恐禦

暴無備廼捐俸建樓五間擊柝以戒不虞制始恢焉

兵禦附

營署

遊擊府 在州治南

守備廳 在府右

營房 在府右舊倉基吳一百間

演武場 在東郊知州楊苞建廳房二進左築纛臺

鎮將

明

鄧愈 虹縣人洪武初以元帥守廣德

廣德州志

卷之七

兵禦

五

趙繼祖 鳳陽人

邵榮 鳳陽人俱洪武初年守將

國朝

初設廣德營以總兵官鎮守順治七年鎮將援勦

廣東止留遊擊一員兵五百名守之分撥把總一

員兵六十名駐守建平

郭虎 陝西人順治二年以總兵鎮守廣德

遊擊

陳其仁 盛京人順治七年任

卓天章 奉天人順治十年任

王懷忠 奉天人順治十二年任

池鳳鳴 奉天人順治十五年任

蔣桐 盛京人順治十八年任

李成龍 盛京人康熙元年任

袁陞高 四川人康熙十年任

張汝第 保定人康熙十八年任

張念世 順天人康熙二十年任

守備

栢天成 奉天人順治五年任

劉九疇 宣府人順治十一年任

彭陞 四川人順治十四年任

趙輝 南陽人順治十七年任

徐城 京衛人康熙九年任

柴梁棟 河南人康熙二十年任